



第三五一冊

四庫全書

●上海古籍出版社

本冊目次

三朝北盟會編(二)

宋 徐夢莘撰……………一

欽定四庫全書

史部
三朝北盟會編卷一百一
至

詳校官庶吉士臣張溥

編修臣裴繼復

總校官檢討臣何思鈞

校對官中書臣楊世綸

謄錄監生臣楊文憲

欽定四庫全書

三朝北盟會編卷一百一

徐夢莘 撰

失其下

起建炎元年五月一日庚寅盡其日

建炎元年五月一日庚寅朔癸元帥即皇帝位於南京

汪伯彥中興甲辰四月二十七日元祐皇后

諡今遺玉時雍徐義哲條輿議法仗等百官庶務各分

欽定四庫全書

三朝北盟會編

卷一百一

一半發船戴宮嬪及張邦昌等前赴南京迎請又令內

侍郇成章王充管押乘輿服御御輦儀仗至南京來迎

王坐便廳南仲伯彥潛善延禧耘世則皆侍立成章等

捧筭以前點數名件內有道冠一頂非人間樣制成章

等拱以捧曰太母傳語此冠自祖宗以來凡退朝宴閒

不戴頭巾只戴此冠後來神宗皇帝易以頭巾脩襲至

哲宗皇帝道君皇帝非祖宗制也願殿下即位後退朝

宴閒戴此冠便是祖宗太平氣象王欽容涕流曰上天

眷命羣臣愛戴幕屬將佐上書勸進拜叩固請至於五
六吾固辭者亦屢矣方此躊躇以思繼又奉太上皇帝
即真之詔太母乘輿服御之意迫不得已不敢欽承於
是命起擇官選得五月一日庚寅命有司於南京燕門
之左營築壇場命朱勝非撰策文告天命滕康撰敕文
肆赦五月一日庚寅登壇寅受天命南仲克禮儀使延
禧讀冊告天汪伯彥黃潛善董耘高世則元帥府僚屬
皆登壇行事王泣涕即皇帝位於應天府治之正衙南

欽定四庫全書

三朝北盟會編
卷一百一

仲伯彥潛善延禧耘世則等先稱賀上殿侍立張邦昌
率百官稱賀改元建炎元年 初議改元命幕府官屬
聚議耿南仲等議曰王者即位求端於天擇一元之意
以正本始故必建元故漢光武中興建武大王再造王
室宜用光武故事紀元恭惟藝祖皇帝誕彌之年太歲
丁亥大王殿下誕彌歲亦丁亥天元屬火宋以炎德王
藝祖開基改元建隆累聖相授逮至靖康乃遭中微殿
下紹隆益光前烈南仲等請以改元為建炎 耿延禧

中興記曰初議年號黃潛善定為炎興耿南仲曰此蜀
年號遂為建炎大赦天下 門下皇天祐宋卜世過於

漢唐藝祖承周受禪同乎舜禹列聖嗣無疆之愿保邦
隆不拔之基屬以朝奸稔成邊釁恃中都之安富忘外
敵之憑陵致金人來攻京邑初登城而不下終邀駕以
偕行痛念鑒興遠征沙漠宗族從而盡徙宮闈為之一
空仍仰臣僚伴僭位號朕以介弟之親而受有開元帥
之府以總師方輸敵愾之忠亟奉講和之詔豈圖變故

欽定四庫全書

三朝北盟會編
卷一百一

終致陷危蓋嘗指日以誓諸軍使前迎而後請不憚戴
星而檄率土莫外附而內親而三事大夫與萬邦黎猷
共致樂推之愿靡容牢避之私謂疊疊萬機難以一日
而曠位矧皇皇四海詎可三月而無君勉狗彘情嗣登
大寶宵衣旰食紹祖宗垂創之基疾首痛心懷父兄播
遷之難顧號令久隔衆罔係心軍旅荐興農多失業慰
民耳目之注數朕腹心之言爰布湛恩誕綏區夏可大
赦天下應赦書到日昧爽以前罪人所犯罪無輕重已

發覺未發覺已結證未結證常教所不原者咸赦除之朕惟火德中徵天命未改考光武紀元之制紹建隆開國之基用赫丕圖益光前烈可以靖康二年五月一日改為建炎元年一二帝北狩隨行官吏班直諸軍及諸色人等見有家屬並依舊支破請給常切存恤無令失所昨金人逼脅使張邦昌僭號實非本心今已歸復舊班其應于供奉行使之人亦不獲已尚慮畏避各不自安其已前罪犯並與赦免一切不問一應緣金人犯關

欽定四庫全書

三朝北盟會編
卷一百一

歿於王事軍人祖父母妻篤疾及年七十以上家無子孫者委所在勘會詣實時與支本營小分請受如陣亡人依格合給多者即從多給一應永安軍祖宗陵寢西京應天禪院會聖宮影殿西墳可差西京留守及臺臣一員日下前去躬親省視如有歷年久遠為風雨之所剝蝕及軍馬之所蹂躪牆垣傾頽棟宇殘損采色黧舊合修理者一面措置修理之不得有所遺失母惜重費毋畏勞苦務期完密以稱脫意俟事竣日

欽定四庫全書

三朝北盟會編
卷一百一

仍密具奏聞南墳委汝州守臣依此一應天下神霄宮並罷舍屋什物錢糧田產州縣拘收具數申尚書省一應常平司散欵青苗錢穀本以便民歲久法弊反為民患可自今住罷一應緣軍馬侵犯有臨難死節義不受辱出使軍前及守禦出戰並歿於王事許本家經所在官司自陳先次覈實具名保明聞奏當議優與褒賞訪聞自來歿於王事令得恩數官司多事指摘細故非理問難逗留致死事者不即霑恩可令所屬疾速施行一應緣金人大入朝廷遣使往來實歷險難有未經推恩人許令自陳與檢詳元指揮推恩內有金人拘留未還者其請給令所屬且權給一半贍養其家俟及一年止一應因金人驅擁及差使過軍州官員及諸色人等得還者並許依舊官職祇應支破請給等內官員已別差人者並令吏部先次別與一般差遣一應文臣承務郎武臣承信郎以上并內官醫官伎術官及致仕並與轉行一官文臣中大夫武臣承宣使並回授與本官有官有

服親武功大夫未帶遙郡一官已帶遙郡禦使人與轉行右武大夫選人與循資已係承立郎與改官次等合入官校副尉下班祇應依格與轉官資仍並不隔磨勘一應諸路帥守監司許依例進貢恩其金人及盜賊曾失守或逃避之人不許進貢一應承務郎以上服綠服緋及十五年者不以贓私罪與轉服色一應文武陞朝官并禁軍都虞候以上父母妻未有官封者並與封叙已封叙者更與封叙亡歿者與封贈已封贈者更與封敘定四庫全書

三朝北盟會編

卷一百一

並與免罪轉運提刑司勘驗給還任一應軍人丁夫等逃亡及潰散官兵并州縣百姓因金人所至令失業之人皆因有首領統率原其本心皆欲勤王止緣道路不通遷延日久糧食不繼因而取給民戶劫掠逐路帥守不曾差人總率見今嘯聚未散出首無路自新限一月於所在首身其已前罪犯一切不問並放令逐便軍人依舊本營原職名收管仍免所轄官司及本營問當其少欠官私債負並除與故百姓願在軍者如少壯即減三指刺填即使支給例物請受其徒中能諭衆歸業或別首納限滿不首復罪如初一應今來嘯聚賊徒既許自新如尚敢乘時作過殺害軍民仰安撫提刑司差那兵馬捕捉并家屬務盡斬殺如數多本路軍馬不足申樞密院差大兵前去勦除仰提刑司原立賞格召人擒捕仍許徒中自相殺併依格推賞功効尤大者別具保明格外推恩後復不以今降赦恩原減一應逃避公人限一月出首依舊職名收管一應逃亡軍人如能勸誘逃亡之人首身本轄官司直簿拘籍每五

三朝北盟會編

卷一百一

十人轉一資副都頭以上每一百人轉一資及千人所屬具名申尚書省當議優與推恩一應戰關亡失官馬及散亡軍器什物之數合該科罪及官司見責令脩者仰統制官保明如委無欺隱特與放罪除免其民間有收到軍器等物許限一月經所在官司首依私有法其收藏官馬不納計贓科罪一應係官欠負不以名色百貫並行蠲免其曾經金人兵馬焚劫殘破州縣鄉村人戶日前私債雖無利息並限二年外方許理索一諸軍

欽定四庫全書

三朝北盟會編
卷一百一

昨緣勤王并因差出借過衣糧料錢並與除破更不覈納一應宣和七年十二月二十四日登極合該轉一官向有未經改轉之人並合吏部逐旋具鈔擬轉如失去公案無可照據許取見任告勅照驗許本色官一員委保特與轉補如未祇受歿於主事許回授於本宗本色有官有服人一應緣金人經由州縣有燒毀係官屋宇等守及差使被賊劫殺據者特與免本家二年支移折變仍仰州縣倍加存恤一應諸路網船靠

間見欠或遭風水拋失者被盜勘會分明委無欺弊不得將官兵尅折請受特與除破一應諸路人戶見欠稅租并倚閣展稅賦及緣納錢物並與除放一應諸路借貸常平錢數並特與除放一應諸路漕司多財用匱乏將民戶合納二稅宛轉折納或支移他郡却免未支移只納脚乘實惠之類致民間輸納增倍深屬拮据今來並仰遵依條法不得妄冒支移折變仍許人戶越訴提刑司覺察當重寘典憲內京西路昨緣方田添起稅六

欽定四庫全書

三朝北盟會編
卷一百一

分外止送四分見錢更不支移折變訪聞轉運司將所減分數數入舊稅抑令人戶輸納重困民力可恨數書到今與蠲免所有違法數入舊稅去處悉行改正仰提刑司覺察仍許越訴一諸路稅賦支移折變自有成法比年漕司以財用不足往往反覆細折如合納見錢令輸緇絹却以緇絹之直折納絲綿之類惟務剝削良民受弊自今仰轉運司遵依條法不得依前違戾仍要提刑司覺察聽人戶越訴一二稅折料合用納月時估中

價近歲轉運司與州縣務於搭剋將及納頓減時估不以豐凶低昂但稱引用養創析納大重人戶往往破產今後朝廷非軍事更不下轉運司非泛須索如析料尚敢循習不革守貳轉運司非泛須索并違制之罪加二等仰提刑司提舉司覺於起催月終以前具有無違度保明聞奏不以實聞與同罪一預和買法本支實價訪聞官司立價甚低或高槩他物價准折或以無價虛券充數甚者直至受納未支本錢不遵條限前期起催急於星火今來上供類欲依祖宗法其和預買有前項違戾守令并轉運司並以違制論加二等仍委提刑司覺察每歲於依限內一月內具有無違戾聞奏不以實聞與同罪一諸路諸般徭役非法令該載者罷該載而非急務仰監司守臣速具以聞當議一切蠲罷一應進田見今地隣及地分掌官人等攤認租稅許令陳狀特與赦免其因依條名人承佃候進戶人歸業日給還一昨緣軍興官司於民間勸借財物及靖康元年後來人戶

於所屬州縣獻助錢物依靖康元年六月二日止指揮給降空名告勅計價書填給還比緣監州州縣申明將未降上件指揮已前獻助之物不理數今仰逐州長吏限十日將已降空名告勅道計前後實納之數計價盡數書填給還訖以聞如人數所納前數未及願帖納書值者聽即不得抑勒如違許越訴當議重行照責一應今來因金人所至州縣劫掠逃避人戶仰監司守令多方招誘歸業內闕食不能自存之人依災傷七分法賑給與免今年夏稅雖歸業而無力耕種者仰提舉常平司更切審量據等特行借貸錢收買牛具之類候將來收成日分三年逐科帶納人戶置買耕牛權免銀糧一年其緣金人兵馬蹂踐田土鄉村依此施行一昨經大帥府駐劄及一月以上去處應辦軍馬極為勞費今來夏稅並與赦免省應舉人特奏名并就殿試靖康元年得解及州學職事人並免將來文來解一次一應天府差人防秋至今春未能放散顯妨農務應緣來差科保甲

除逃亡人外特與免一科支移折變一諸路義倉在法合同正稅為一鈔輸納訪聞提舉司以轉運司侵用有令人戶不得隨稅帶納去處顯屬違法仰命遵依成法改正施行一應人戶典賣田宅因官司不為減落第等見依舊供應科配差使限數書到一月許自陳驗實特與減免一應今日以前典賣田宅馬牛之類違限印契合納倍稅者限百日許陳特與蠲免事發在限內者亦准此一應崇寧以來增置務其稅入課利除給官吏等支費外所收錢物不許去處仰轉運司體度並行廢罷一應崇寧以來因買樓坊場河渡及折欠官物沒納田產未有承買者與減見買價三分聽欠戶與收贖限滿不贖即依所減價出榜別名人承買仍作三年六料輸納一訪聞自來教書所放逋欠轉運司及州縣迫於調度依舊催納至民間有黃紙放白紙催之語甚失朝廷寬恤愛民之意今來大恩與常數不同兼務節用可以裕民如監司州縣輒放故違巧作名目依舊科抑被科

人戶越訴其官吏當重行貶竄一應近年以來州縣緣應奉之費用度窮迫至有前期括借民間二稅免役坊場課利等錢顯是違法自今須管依條限催納不得預借一祖宗以來天下上供委有常數自熙寧後因臣僚奏請歲有增加不勝其弊仰諸路轉運司取索轄下應干見今上供物數開具祖宗舊制及熙寧以後增添數目聞奏當議並行裁損以紓民力自崇寧以來州縣倉庫受納稅賦務加槩量以圖出利東南六路為甚以故民力困乏其弊本於補發綱運斛斛額外增數可除歲額上供數外其每年任其起補發額斛並權住罷一諸路常貢之內有時新菜外味之類所在因緣貢奉外取索歸空庫更有饋送搔擾為甚仰體禮部勘會除緣天地宗廟陵寢供獻所須外餘並罷貢一自崇寧以來州縣因拋買上供綱運取辦民力或以和雇為名科差鄉夫般擔挽運極為搔擾自今後並不得以和雇為名科借鄉戶以代兵役州縣故違或監司強抑州縣應副者並

許人戶越訴當議重行竄點一應監司州縣違法賦歛
涉於搭耗或科配大買物色實擾害及應干民間疾苦
事件並許中外臣庶詳具利害經所屬官司陳述繳奏
或詣闕投進當議考察改正施行雖語言詆訐亦不加
罪一應州縣官昨緣京城園開赴任愆期多致員缺應
已差下官除程限一月到任限滿不到令本路監司郡
守各選有才幹人權行具名奏差一次已奏差者他司
不許銜替及昨緣防秋所辟官屬先次赴任因郵置梗

欽定四庫全書

五朝北盟會編
卷一百一

滋未受付身人並以掌官職事日與理為到任月日一
應州郡金人曾到城下保守無虞者令所屬等開具元
守禦及出戰官兵等保明申尚書省取旨推恩內應天
應係祖宗開基之地有三聖御容兩院宗室控扼東南
為襟喉衝要之處與其餘州軍事體不同所有原守禦
戰官兵等特先次與轉一官資選人比類施行仍令元
帥及應付長官開具保申尚書省給降付身一應吏部
宗室注授恩例自有定法昨緣言論列遂同庶姓甚失

銓叙之意可依舊法一應宗室犯罪見鎖閉監管拘管
人該遇今來恩宥並放逐使宗子婦人見入道為尼願
還俗聽原有官封者依舊一應宗室昨來預貢及得解
之人並與推恩一應宗室無官人依政和五年二月二
十四日冊皇太子敕與量試推恩一應外官宗室未有
差遣及已授三路差遣領別授者並令吏部不依名次
先次注闕近便差遣一應諸宮院屋宇近因折毀致使
宗室至無處居止並許量口數多寡指占空閒官屋及

欽定四庫全書

五朝北盟會編
卷一百一

寺院居住一應宗室因金人取過軍前本房老幼無人養
贍或因逃避散居州縣以至失所在京委開封府在外委
守臣速行措置月給錢米無令失所不管漏落別聽候朝
廷指揮一應宗室年初未及官員并忠義之士在外非賣
奉朝廷及大帥府指揮救於忠憤自募勒王人兵未有就
屬今來國事稍定仰各將見管人兵交付所至州縣主兵
官託出公據量帶人從前來行在特與推恩一應官員因
疾病陳乞致仕今已安痊不以年限滿許召保官員原委

保自陳特令再任一應命官尋醫侍養許並召保注一應恩澤補受文學並許依法召保注權入官一應合特奏特並與免試內曾經六舉以上到省人與登仕郎五舉補京助教四舉上州文學兩舉諸州助教人願赴將來特奏名殿試者亦聽雖在下等不應出官人亦取旨陞推恩一新春合赴省試人昨緣道路艱阻復歸本貫及在京人即未有取應之期令禮部檢會故例取旨施行一應去年錫慶院試中武士未經推恩人仰本部限一月開具等第姓名欽定四庫全書

五朝典會集

卷一百一

申尚書一應院官官有隔下撥放並許於所屬自陳保明中禮部限三日給降其今歲聖壽節合撥放去處雖不曾放進功德疏特與依例撥放裁經者與額外添數一次合就裁一百人以添一名一百人以上者兩名三百人以上三名一應暴露遺骸無人識認者許在寺院埋瘞每及一百人令所屬勘驗中禮部給度牒一道一應自今官員犯罪若依賊私自斷定更取特旨斷如係公罪止令刑部大理寺斷定刑名施行更不取特旨一應

欽定四庫全書

五朝典會集

卷一百一

命官流配編管羈管人永不移放逐便除名追降官資及勒停責授散官安置或官終身不齒放歸田里人等及永不收叙人並與叙元官落職人欲復舊職折資及降等差遣人與復本等差遣合檢舉者刑部限三日舉其蔡京童貫王黼朱勔李邦彥孟昌齡梁師成禕稹及其子孫皆誤國害民之人更不收叙一應吳備吳俸王宋劉昌等親屬前來禁銅約束指揮條具以聞停降諸色人等未經叙用及永不收叙人並特與叙原職名已還補者額外收補一應編管移鄉人并永不移放者並放逐便沙門島罪人不以年遠近並移鄉五百州軍一應命官公人軍人犯罪除名有特旨除名停僭羈管大理寺合斷刑名外一時特旨除名停僭羈配安置之類本不合生罪者並與除落理元斷月日一應特旨還俗僧道自陳特與依舊為僧令本州出據公據一應禁軍犯踰濫情重條並行隔下不得還補轉若經斷及五年不曾再犯候轉日委所屬勘會詣實特與轉行一應急

脚馬通鋪兵因金人所至避散在諸處送過角可專
委本路提刑司疾速招刺依舊擺鋪仍依時支給請受
一應緣軍與收置物至未曾交還價錢者並限十日支
還一京城團閑日久商旅不行令道路方通理當優異
其商賈欲船販物貨上京者並經州縣自陳出給公據
特與免沿路稅錢一應中外有文武畧藝出倫武淹布
武沉下僚內自禁從外至監司郡守廣行搜訪各舉
所知一名如舉得其人並行遷擢限十日內薦舉仍與
欽定四庫全書
三朝北盟會編
卷一百一
以所舉人移文州縣以禮津遣赴行在一應孝順子孫
義夫節婦所宜旌表以厚人倫事顯著者仰長吏明白
來上一應祖宗以來教內常稅寬恤事件及名山大川
歷代帝王祭祀封爵等檢會行於乎聖人何以加孝朕
每惟問寢之思天子必有所先朕欲救中原之急嗟我
文武之列若得忠義之家不食而哭秦廷士當永於報
國左袒而為劉氏人咸樂於愛君其一德而一心矧立
功而立德共獲兩宮之復終圖萬世之安副我憂勤躋

時康乂

欽定四庫全書

三朝北盟會編
卷一百一

三朝北盟會編卷一百一

欽定四庫全書

三朝北盟會編卷一百二

宋 徐夢莘 撰

炎興下帙

起建炎元年五月一日庚寅盡五日甲午

中興記曰初命滕康草敕文或詆斥園城士大夫有憤
怒意上命耿延禧改定以進且云園城士大夫一切不
問衆服上有大度真寬仁聖主矣 朱勝非南都朔戴

欽定四庫全書

三朝北盟會編
卷一百二

記曰上幸南京登極非建言受命中興宜築壇行禮北
望二聖寅受寶冊乃即帝位因治壇於府東偏五月朔
上登壇受寶改元建炎請以中興受命名壇載於登極
典詔可之 遺史曰初上在相州也閏月十四日夜夢
淵聖令盡解所服袍帶而以自所服者賜之望日上語
延禧世則羣臣不敢對先是太上皇帝將禪位解所服
排方玉帶賜淵聖既上出使河北淵聖又解以贐行上
在河北懷衛諸州中狀皆為靖王或為康王或以紀年

之號兩當之至是始悟靖之為文立十二月也蓋淵聖

立十二月而上建大元帥府遂即帝位也 黃潛善中

書侍郎汪伯彥同知樞院事即日押付都堂治事 黃

潛善制曰中書政事之本一新萬化之原賢者邦家之

基茂建百王之典朕紹膺鴻緒綏御庶邦炎正中微國

步孔棘興衰撥亂生收三傑之功舍爵策勲進陟五臣

之位具官某器識沉毅而足以任天下之重學問淵博

而足以識古今之全蚤服采於禁塗寔宣勞於外屏遽

欽定四庫全書

三朝北盟會編
卷一百二

鋒侵犯都邑震驚縹緲於九重接蕃戎於萬里立棘
門而左袒倡義旅以南征間閭百難獨見松柏後凋之
標險夷一致遂成桑榆不負之勲是用蔽於僉言擢升
右省式慰沃心之望聿新大政之元爾惟至命其承迪
以先王之典予其克邁乃訓永奠燕民之生益慈遠猷
以對休命 汪伯彥制曰朕惟列聖儲休千齡累洽軍
政隳壞將帥情驕強敵長驅京邑震擾博延羣臣之議
人莫與能檄台天下之兵士無聞志卒罹變故幾至陷

危肆嗜性命之功共濟經邦之業具官某學貫千載知
出萬夫沈謀有先物之幾居簡得錄時之望參華延閣
出統藩符屬時訪落之謀實預扶掖之義聲聞幕府美
整師千堂邑故人莫重蕭曹之冠雲臺諸將獨高寇鄧
之勲是用順考僉言蔽自朕志推司兵柄進貳機度幹
茲心膂之憂實賴股肱之舊勝殘去殺期臻真枕之安
保大定功共享銷兵之福往承茂渥永底丕平 遺史
日中興之初黃潛善汪伯彥首為執政智者必知二人

欽定四庫全書

三朝北盟會編

卷一百二

無進攻之志矣

二月辛卯上靖康皇帝尊號為孝慈淵聖皇帝內劄勅內外
文武臣僚等朕比以來輿播越宗廟陷危迫於師言勉
紹大業居艱履昏之變載深手足之懷恭惟靖康皇帝
聰明憲天節儉由性子育加於庶彙色養逮於兩宮金
人內侵四郊多壘乃遣單車之使欲邀龍德之歡代親
而行即日命駕繼以編戶困於金繒復再屈於敵營欲
為民而請命沉幾測識外侮內明時方艱虞聖以遵養

濟率萬邦之望僕瞻八駿之歸輿道妙無名豈形容之

可及惟德施罔極顧違奉之歡忘爰舉徽稱用昭盛烈

靖康皇帝宜上尊號曰孝慈淵聖皇帝乃令所司擇日
奉上冊寶應合行典禮禮官即速討論以聞 遺史曰

初淵聖即位以四月十三日誕辰為萬壽節大酺天下

臣民詔到四方州郡有挾符箴之說安以私意猜度指
為不吉追金師深入淵聖播遷若為先兆焉 元祐

皇后為元祐太后御制勅內外文武臣僚等朕惟德盛

欽定四庫全書

三朝北盟會編

卷一百二

者報必隆屬尊者禮宜脩古之異訓國有故常元祐皇

后制行徽柔宅心虛靜並儷極於永泰久慕道於瑤華

庚辰皇后之文已嘗誕告丙午復號之旨未及布宣此

者敵將內侵都城失守方二聖之還播屬百辟之抗言

還御宮闈暫臨庶務洞達機事之變深惟宗社之憂踵

遣使輶致論至意建此續圖之日亟頒國政之言叙惟其功

舉協於義是用參稽衆志奉上尊稱與茂茂對於休辰以

永綏於壽社元祐皇后冊為元祐太后仍令所司擇日

奉上冊寶應合典禮禮官疾速討論以聞元帥府限十日給局 詔責李邦彥等詔曰作事責於謀始自古不能去信苟非此道亂所由興李邦彥等皆靖康主和議之臣或料敵失宜自成懦弱之勢或過聽誤事復忘修禦之方用起兵端以誤國計孝惠淵聖皇帝勤政宵旰庶圖治安謀臣既未能慎初武服固難於善後興言及此罰其可逃其李邦彥等吳敏蔡懋李稅宇文虛中鄭望之李邦已下三省別行寬責播告中外咸使聞知

欽定四庫全書

五朝北國全編

五

詔修國史詔曰朕遭家禍二聖播遺孑一身義不得死三事大夫厚黎百姓戴宋惟惜用歸屬於眇躬朕欲身先士卒北首赴難咸曰宗廟之重不可一日之祀且將攝行國政時復辟則又曰天下之大不可三月無君避避無從百辟復至蓋祖宗德澤在人固若膠漆天其或者崇降咎災以警懼我宋是用思憲祖宗之指仰承天意庶或悔過以輯寧我家齊及赤子嗚呼惟孝弟可以動天惟憂勤可以成務惟恭儉可以富民惟兢業

可以保國惟大公可以悅人惟至仁可以安衆惟未謹論屏創言可以達聰惟近正人達寵倖可以成德惟守大信可以規遠國惟有常德可以立武事不弛不擾始終如一夙夜惕勵武稷不祥庶幾降鑒俾復父母兄弟宗族朕將視舊章不以手筆廢制不以內侍典兵權容受直言雖有失當不加以罪謹聽斷除苛撓抑未作去浮靡斥聲樂之奉絕游獵之荒非奉典禮尚方無飾綉繪非急繕治大匠無營土木非軍功無異賞非戎脩無

欽定四庫全書

五朝北國全編

五

僱工弗利於衆非衣服飲食皆可廢有宜於國雖赴湯蹈火皆可為斷之必行無或有二尚慮諸臣徂於故習有以祥瑞奏聞褒頌功德浸於道揆諱隱過尤務在蒙蔽大臣蔽賢有舉非實瑩諛懷惡有言非公凡此之屬必殺毋赦朕臨御之始德意未孚於上下用伸播告以敷朕心茲言不食咸聽毋忽 大元帥府一應行將佐官吏卒伍自河北京東扈衛有勞績優劣等第來上當與推賞 諸路勤王之兵皆至行在諸路勤王兵至行

在於是王德初檢校劉光世為右軍將官郭京走至
襄陽統制官張思政會兵橋而殺之初郭京至自京城
奔走沿路稱撒豆為兵撒草為馬假幻惑眾取兵二月
至襄陽有三千餘下寨於海子頭京居於洞山寺欲冊
立宗室為帝置使錢蓋西京總管王襄及統制張思政
等止之不從會有自京城逃過來者具說京以妖術誤
國京城不守思政衆間會諸頭兵襲京囚之至是欲以
京赴行在半途為李孝忠所襲思政就輜以槍刺殺之
欽定四庫全書
三朝北盟會編
卷一百二
三日壬辰以張邦昌為太傅同安郡王五日一赴都堂
參議事汪伯彥建炎時政記曰是日早朝上謂黃潛善
汪伯彥曰何以處邦昌潛善曰邦昌僭稱名號罪在不
貸為金人所逼脅念其不得已而從權金人既退專遣
謹肅奏書繼遣謝克家歸寶璽又迎請隆祐太后歸於
宮闈退居東府駿奔來朝惟陛下席斷處分如何上曰
朕嘗與邦昌同奉使軍前小心畏慎不幸逢此禍變雖
不能死以盡節然遭變行權緣此宗廟不隳社稷不壞

一城生靈獲全肝腦金人繞道齋書赴朔歸寶來朝朕
既覺其初欲馭以王爵異時金人有詞使邦昌以寶具
書報之曰舉國之人不忘趙氏彼師不旋踵而天下勤
王之兵皆左袒歸宋故邦昌恐懼不待問罪辜保首領
而反籍於朕使金人知天人之歸出于自然卿等以謂
如何潛善伯彥同對臣等謹奉以施行故有是命命
黃潛善等募忠信能專對之士奉使金國除作國書外
命張邦昌更作金人書草遣使人以行宗澤徽猷閣
待制知襄陽府耿延禧並軫高世則宮觀兼侍讀黃潛
善戶部侍郎梁陽祖徽猷閣待制淮南江浙荆湖制置
發運使兼提領措置茶鹽楊淵元起之秦百祥並除郎
官趙子崧延康殿學士知鎮江府
五日甲午耿南仲請老除觀文殿學士提舉杭州洞霄
宮遺史曰先是上在濟州羣臣勸進議已定耿南仲奏
臣老拙幸得遭遇竭盡愚忠唯靖康行遣蔡京廷臣多
翼蔽之終雖貶出然蔡氏所引實繁有徒必不利臣父